


Victoria pa Junior Seleccion y Chinese Ling & Sons



Clyde Burke (10) den un di su lay-up pa anota basket, pero ta worde para pa un di e hungadornan di Amstel Amstel Rebels.

ORANJESTAD(AAN)-- Ayera nochi den Sporthall na Sta. Cruz, tabata tin continuacion di e torneo First Open class tournament, Copa Ling

and Sons.

E promer partido di ayera nochi, Jr. Selection a sabi di bay cu un victoria di 55-36 ariba e muchanan di Amstel Rebels.

E promer mitar di e wega, Jr. Selection tabata tin un ventaha cu score di 20 pa 17.

E victoria aki pa Jr. Selection, ta haci cu awor nan tin dos wega gana ningun perdi y ta muestra cu ta un equipo cu hobennan cu por cubri 40 minuut riba tereno sin problema.

Topscore pa Amstel Rebels tabata Don Johnson cu 11 punto y M. Richardson cu 8 punto.

Pa e equipo di Jr. Selection tabata Clyde Burke cu 16 punto, Andrew Maxwell cu 12 y Gregorio Milton cu nueve punto.

E di dos partido tabata entre Apollinares y Chinese Ling and Sons.

Aki e team di Chinese Ling and Sons a bin di atras pa gana cu score di 42 30, unda cu e promer mitar nan tabata perdi cu e score di 20 pa 17.

E promer mitar Apollinares a muestra cu nan lo bay ta e team favorito e anochi ey, pero den e di dos mitar a cai atras perdien-do basta bala, cual Chinese Ling and Sons a probecha di tur e mis shotnan y pa nan si anota nan basket.

Juan Bulto Arrindell a resulta e topscore pa Apollinares cu siete punto, mientras cu Marcus Peterson tabata tin seis.

Pa e equipo di Chinese Ling

and Sons tabata Pat Nedd cu a anota 14 punto riba su number, y Pete Coco 13.

Awe nochi e torneo ta continua riba cancha di Centro di Bario Brazil, unda cu pa 7.30 Estrella Shell lo trata na bin para e racha di victoria di Jr. Selection.

Pa mas o menos 8.30 lo bay tin e di dos partido entre Amstel Rebels cu kende nan lo bin en-busca di nan promer victoria ariba e muchanan di Aruba Jrs CDI.

E standing tey cu ayera nochi,

tres equipo ta posiciona nan mes na promer lugar cu dos gana cero perdi, Jr. Selection, Marathon Electronics, y Chinese Ling and Sons.

Despues ta sigui Aruba Jrs CDI y Estrella Shell cu un gana un perdi, Master Cargo y Apollinares cu cero gana dos perdi.

Di parti di e organizadorman di e torneo, kier haci un invitacion na tur amantenan di basketball pa bin mira e weganan aki, ya cu e dos partidonan di awenochi ta muestra uno di hopi fuerte entre e cuatro equiponan.

Bridge Club Aruba Ariba a forma directiva nobo

ORANJESTAD(AAN)-- Diamars ultimo, a tuma lugar den Tivoli Club e reunion di Bridge Club Aruba Ariba.


Pa e aña 1991 e bestuur a keda como lo siguiente; presidente Sr. Brian Reeve, secretaria sra. Addy Eilers, tesoro sr. Dik van Nierop, competitieleider sra. Cocky van Leerdam, social hostess y P.R. sra Aggie Bilderbee.

Despues di e reunion, tabata tin un competencia chikito cual a ser parti den dos grupo.

Pareha Bilderbeek a resulta cu

un porcentaje di 65.94%, sra. Voz y sr. Pennings 65.23%, sefioresnan Timmer y Hermelijn 61.73%, sr. Lopez Henriquez/Lopez Henriquez 59.50%, Sr. Marapin/Tjon Kon Sam 54.24%, sra. den Dunnen/sr van Leerdam 53.32%.

Den e grupo O-W; pareha Lipsky 56.03%, sra becker/sr. Feinstein 55.85%, Ds/ Verbunt/van Leerdam 53.63%, Ds. Bergen/Sim 53.07%, sra. Abady/sr Gottfried 52.81%, sra. Poulsen/sr. Russo 50.67%, y Paola y Fatima 50.22%.



BAR & RESTAURANT
TLF. 35557

SITUA NA SEA STAR PARK
NA L.G. SMITH BOULEVARD
TA PRESENTA

DIABIerna 22 DI FEBR.

GRUPO
PRIDE

Y

**MARIACHI
PERLA DI ARUBA**

- ENTRADA Afl 10.00 SO
- TRAHE DECENTE
- NO T-SHIRT
- 10:00 PM - 4:00 AM

DIASABRA 23 DI FEBR.

**PAPITO
Y SU
DOBLE
SABOR**

- ENTRADA Afl 10,00
- TRAHE DECENTE
- NO T-SHIRT
- 10:00 PM - 4:00 AM

DIADOMINGO 24 FEBR.

**PAPITO Y
AMSTEL**

TA TOCA HUNTO
ENTRADA GRATIS !

- 12:00 PM - 12:00 AM
- BBQ FAMILY DAY
- 5:00 PM - 9:00 PM
- HAPPY HOUR
- AMSTEL Afl 2,00
- MIXED DR. 3,50